



Broj: 02-11-1520/21-AP-11
Datum: 22.06.2021. godine

Na osnovu člana 69. i 70. Zakona o javnim nabavkama ("Službeni glasnik BiH", broj 39/14) i člana 39. Statuta općine Zavidovići ("Službeni glasnik općine Zavidovići", broj: 5/2008, 5/a/2008 i 11/2019), u predmetu odabira najpovoljnije ponude za dodjelu ugovora o javnoj nabavci usluga „Javna nabavka usluga štampanja knjige pod nazivom Ratni zločin nad djecom Zavidovića 1992.-1995.godina“, Općinski načelnik donosi:

O D L U K U

Poništava se postupak dodjele ugovora o javnoj nabavci usluga „Javna nabavka usluga štampanja knjige pod nazivom Ratni zločin nad djecom Zavidovića 1992.-1995. godina“.

O B R A Z L O Ž E N J E

Odlukom Općinskog načelnika broj: 02-11-1520/21-AP-3 od 15.06.2021.godine pokrenut je postupak dodjele ugovora o javnoj nabavci usluga „Javna nabavka usluga štampanja knjige pod nazivom Ratni zločin nad djecom Zavidovića 1992.-1995. godina“ putem direktnog sporazuma u skladu sa članom 90. Zakonom o javnim nabavkama.

Poziv za dostavu ponude dostavljen je privrednom društvu „PLANJAX KOMERC“ d.o.o. Tešanj i krajnji rok za dostavu ponuda je 23.06.2021. godine. U ostavljenom roku za dostavu ponuda Privredno društvo „PLANJAX KOMERC“ d.o.o. Tešanj blagovremeno je dostavilo ponudu 21.06.2021. godine u 08:38 sati. Ocjenom podnesene ponude utvrđeno je da ponuđač pogrešno popunio obrazac za ponudu i obrazac za cijenu ponude na način da je u obrascu za cijenu ponude za nabavku predmetnih radova ove javne nabavke navedeno da je cijena ponude 2840,00 KM bez PDV-a. Međutim, kod davanja ponude ponuđač je napravio računsku grešku prilikom čega je ponudio jediničnu cijenu od 4,86 KM/kom a u rubriku „Ukupna cijena po stavki bez PDV-a“ upisao iznos 5,68 KM iz čega proizilazi da je ponuđač na ponuđenu jediničnu cijenu dodao iznos PDV-a a zatim je izvršeno množenje količine sa upisanim iznosom iz rubrike „Ukupna cijena po stavki bez PDV-a“ (500 komada x 5,68 KM=2840,00 KM). U Obrascu za cijenu ponude- usluge (Prilog II) navedeno je da je to cijena bez PDV-a što nije tačno a što je računskom provjerom i utvrđeno. Istovremeno, u Prilogu I- Obrazac za ponudu navedena je cijena ponude (bez PDV-a) 2840,00 KM a zatim je ponovo na ovaj iznos zaračunat iznos PDV-a iz čega proizilazi da je ponuđač dodao dva puta iznos PDV-a na osnovnu cijenu bez PDV-a, te nije postupio po uslovima iz tenderske dokumentacije niti po Upustvu za pripremu modela tenderske dokumentacije i ponuda (član 5.).

Zbog navedenog nedostatka u obrascu za ponudu i obrascu za cijenu ponude utvrđeno je da je ponuda neprihvatljiva i da je istu valjalo odbiti.

Na osnovu utvrđenog činjeničnog stanja riješeno je kao u dispozitivu ove Odluke u skladu a članom 69. stav (2) tačka d) Zakona o javnim nabavkama. Naime, ugovorni organ je obavezan poništiti postupak javne nabavke kada nijedna od primljenih ponuda nije prihvatljiva.

POUKA O PRAVNOM LIJEKU: Protiv ove odluke nije dozvoljeno ulaganje žalbe u skladu sa članom 101. Zakona o javnim nabavkama.


Dostavljeno:


1. Podnosilac zahtjeva,
2. Služba uprave ekonomskih poslova i poduzetništva,
3. PD „PLANJAX KOMERC“ d.o.o.,
4. U spis.



PO OVLAŠTENJU OPĆINSKOG
NAČELNIKA broj 02-05-4/17-AP-73
od 03.10.2017.godine
SEKREĆAR OPĆINSKOG
ORGANA DRŽAVNE SLUŽBE

Nermin Čahtarević, dipl.pravnik

Obradio: 
(Ane Skelić)

Kontrolisao: 
(Nermin Čahtarević)